

BOSNA I HERCEGOVINA
FEDERACIJA BOSNE I HERCEGOVINE
Federalno ministarstvo poljoprivrede,
vodoprivrede i šumarstva

BOSNIA AND HERZEGOVINA
FEDERATION OF BOSNIA AND HERZEGOVINA
Federal Ministry of Agriculture, Water
Management and Forestry

Broj: 04-20/2- 840 /22
Sarajevo, 15.04.2022. godine

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BIH
n/r sekretara Vlade

Prilijeno: 25-04-2022			
Org. jed.	Broj	Priloga	Vrijednost
05/1	-02-	54	122

BOSNA I HERCEGOVINA
FEDERACIJA BOSNE I HERCEGOVINE
ZASTUPNIČKI/PREDSTAVNIČKI DOM PARLAMENTA FEDERACIJE BIH
n/r sekretara Predstavničkog/Zastupničkog doma

Zastupnik Zastupničkog/Predstavničkog doma
n/r g-din Irfan Čengić - zastupnik

PREDMET: Odgovor na poslaničko pitanje, dostavlja se -
VEZA: Vaš akt broj: 03-04-1439-1/21. od 10.02.2022. godine.

Poštovani,

Vežano za poslaničko pitanje koje je postavio gosp. Irfan Čengić, zastupnik u Zastupničkom domu Parlamenta Federacije Bosne i Hercegovine, a koja se odnosi na realizaciju Zaključka Vlade FBiH V. broj 1383/2021 od 09.09.2021. godine i Odluke Vlade FBiH V. broj 1424/2021 od 20.09.2021. godine, o realizaciji 15.000.000,00 KM doznačenih Federalnom ministarstvu poljoprivrede, vodoprivrede i šumarstva, dajemo sljedeći odgovor:

U vezi predmetnog Federalno ministarstvo poljoprivrede, vodoprivrede i šumarstva je održalo nekoliko sastanaka sa predstavnicima poljoprivrednih udruženja, Odbora za poljoprivredu Predstavničkog doma Parlamenta Federacije BiH, te unutar nadležnih sektora ministarstva razmatrane su mogućnosti dodatne podrške u poljoprivredi.

Zahtjevi koji su isticali na navedenim sastancima i prijedlozi mjera za sektor poljoprivrede i prehrambene industrije bili su sljedeći:

1) Povećati podrške za biljnu i animalnu proizvodnju zbog vremenskih prirodnih nepogoda i suše koja je bila u 2021. godini, poskupljenja repromaterijala za jesensku i proljetnu sjetvu te povećanja cijena hrane (problem realizacije ove mjere je što je Program novčanih podrški u poljoprivredi i ruralnom razvoju za 2021.godinu kojeg je usvojila Vlada Federacije BiH obuhvaćao period 01.10.2020. godine do 01.10.2021.godine.)

2) Podržati održivost radnih mjesta u poljoprivrednom sektoru;

3) Izdvojiti sredstva za nastavak kreditne linije sa Razvojnomo bankom Federacije BiH (kredit 50%, učešće korisnika 25% i grant sredstva ministarstva 25%), jer su grant sredstva planirana u 2021. godini u iznosu od 2 miliona KM dodijeljena u prošloj i u ovog godini za 21 projekat i ukupne investicije od 18 miliona KM;

4) Izdvojiti sredstva za kapitalne investicije u poljoprivredno-prehrambenom sektoru u iznosu od 30% od investicije. U 2021. godini planirano je 10 miliona KM za ove investicije, a ukupno je zaprimljeno oko 1205 zahtjeva za investicije u ukupnoj okvirnoj vrijednosti od 55.000.000,00 KM, gdje Ministarstvo u skladu sa raspoloživim sredstvima nije bilo u mogućnosti sufinansirati ukupne investicije u iznosu od 30%;

5) Planirati sredstva za sufinansiranje sa sredstvima iz projekta IFAD-a, osigurati veću podršku poljoprivrednim zadrugama i privrednim društvima za otkup poljoprivrednih proizvoda kroz ostale vrste podrški itd.

Vlada Federacije BiH je u vezi sa Odlukom V.broj 1424/2021 od 20.09.2021. godine na svojoj sjednici održanoj 27.10.2021. godine usvojila Uredbu o mjerama finansijske pomoći obrtima i ostalim samostalnim djelatnostima u Federaciji BiH u cilju ublažavanja negativnih posljedica pandemije COVID-19 V. broj 1611/2021 koju je realizairalo Ministarstvo obrta i poduzetništva. Navedenom Uredbom bili su obuhvaćeni i svi poljoprivredni obrti.

Imajući u vidu da će poljoprivredni obrti ostvariti navedenu podršku, a nakon sagledavanja svih prijedloga i postojećeg stanja u poljoprivrednom sektoru, Ministarstvo je aktom broj: 04-20/2-2161/21 od 06.12.2021. godine uputilo prema Vladi Federacije BiH Informaciju o realizaciji Odluke Vlade FBiH V. broj 1424/2021 od 20.09.2021. godine sa prijedlogom mjera i Prijedlogom zaključka.

Prijedlog navedenih mjera odnosio se na slijedeće:

(1) Izdvojiti sredstva u iznosu od 4,5 miliona KM za podršku poljoprivredno-prehrambenom sektoru u iznosu od 30% investicija u ovoj godini za odobrene zahtjeve klijenata koji upošljavaju oko 10.000 radnika, što bi bila podrška održavanju broja zaposlenih i stvaranje boljih preduslova za poljoprivredno-prehrambeni sektor.

(2) Izdvojiti sredstva u iznosu od 2,5 miliona KM za podršku sufinansiranja aktivnosti poljoprivrednih zadruga i privrednih društava za povezivanje ponude porodičnih poljoprivrednih gospodarstava i obrta sa područja Federacije BiH, gdje je zaprimljeno 68 zahtjeva zadruga i otkupljivača, što znači da se ovom mjerom indirektno potiče preko 12.000 kooperanata – isključivo obrta i fizičkih lica;

(3) Izdvojiti sredstva u iznosu od 8 miliona KM za nastavak podrške za kapitalne investicije putem kreditne linije Razvojne banke FBiH namijenjene novim investicijama, a do sada je, unazad dvije godine, osigurana podrška u iznosu od 4 miliona KM za ove namjene. Na ovaj način Vlada Federacije BiH osigurala bi podršku za oko 90 miliona investicija u poljoprivredi i prehrambenoj industriji, te tako doprinijela očuvanju radnih mjesta i podržala poljoprivredne proizvođače (preko 22.000) te povećala potencijal za dalje zapošljavanje u ovom sektoru, jer bi ove investicije doprinijele daljem širenju i jačanju konkurentnosti i produktivnosti poljoprivrednih i prehrambenih subjekata.

Za razliku od podrške drugim sektorima privrede definisanih gore navedenom Odlukom Vlade Federacije BiH, predloženim mjerama Vlada FBiH bi podržala razvojne projekte, održivost poljoprivredne proizvodnje, postojeća i nova radna mjesta, doprinijela jačanju

lanaca vrijednosti od proizvođača do prerađivača i dala podršku različitim projektima od značaja za Federaciju BiH kojima bi se stvorile bolje pretpostavke za veću proizvodnju hrane i stvaranje novih vrijednosti.

S druge strane potreba povećanja budžeta za poljoprivredu u 2022. godine isticana je kao prioritet od strane poljoprivrednih udruženja, Odbora za poljoprivredu Predstavničkog doma Parlamenta FBiH, ali i velikog broja poljoprivrednika i subjekat u ovom sektoru, tako da se informacija koju je Ministarstvo sa prijedlogom mjera i Prijedlogom Zaključka dostavilo Vladi Federacije BiH nije razmatrala na 294. i 295. sjednici Vlade Federacije BiH.

Izmjene Programa novčanih podrški u poljoprivredi i ruralnom razvoju za 2021. godinu Ministarstvo je pripremio u saradnji sa Odborima za poljoprivredu oba doma Parlamenta Federacije BiH, a Vlada Federacije BiH usvojila na svojoj 296. sjednici.

Po okončanju procedura propisanih Uredbom o mjerama finansijske pomoći obrtima i ostalim samostalnim djelatnostima u Federaciji BiH u cilju ublažavanja negativnih posljedica pandemije COVID-19 koju je realiziralo Ministarstvo obrta i poduzetništva, Vlada Federacije BiH je donijela Odluku o utvrđivanju liste korisnika finansijske pomoći obrtima i ostalim samostalnim djelatnostima u cilju ublažavanja negativnih posljedica pandemije COVID-19 V. broj: 1892/2021 od 23.12.2021. godine. Navedenu pomoć za održavanje radnih mjesta i poboljšanje likvidnosti ostvarila su 2933. poljoprivredna obrta. Iz tog razloga, kao i potrebe povećanja budžeta za poljoprivredu u 2022. godini sa ciljem veće podrške primarnim poljoprivrednim proizvođačima i održivosti poljoprivredne proizvodnje, usljed poskupljenja repromaterijala i potrebe smanjenja utjecaja povećanja troškova proizvodnje na cijene poljoprivredno-prehrambenih proizvoda, što će imati utjecaja na cjelokupno stanovništvo Federacije BiH, Vlada Federacije BiH je na svojoj 297. sjednici usvojila prijedlog za povećanje sredstava za poticaje u poljoprivredi u nacrtu Budžeta FBiH za 2022. godinu. A nakon konačnog usvajanja Budžeta, Programom novčanih podrški u poljoprivredi i ruralnom razvoju za 2022. godinu odredit će se mjere i visina sredstava za pojedine modele novčanih podrški.

Aktom Sekretara Vlade FBiH broj: 03-02-1081/2021 od 17.01.2022. godine, Ministarstvo je obavješteno da je tokom konsultacija premijera i zamjenika premijera Federacije BiH zaključeno da se „Informacija o realizaciji Odluke Vlade FBiH V. broj 1424/2021 od 20.09.2021. godine sa prijedlogom mjera i Prijedlogom zaključka“ neće razmatrati na sjednici Vlade Federacije BiH, obzirom da su predložene aktivnosti realizirane u okviru Prijedloga budžeta Federacije Bosne i Hercegovine za 2022. godinu.

Navedenu informaciju sa prijedlogom zaključka smo dostavili Vladi Federacije BiH koja je istu usvojila na svojoj 300. sjednici održanoj 27.01.2022. godine (Zaključak Vlade FBiH V. broj: 92/2022).

S poštovanjem.

- Prilog:** - Zaključak Vlade FBiH V. broj: 92/2022 od 27.01.2022. godine.
- Akt Sekretara Vlade FBiH broj: 03-02-1081/2021 od 17.01.2022. godine.

Dostavljeno:

1. Naslovu.
2. a/a.



Na osnovu člana 19. stav (4) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, na 300. sjednici, održanoj 27.01.2022. godine, donosi

ZAKLJUČAK

1. Usvaja se Informacija Federalnog ministarstva poljoprivrede, vodoprivrede i šumarstva u vezi akta broj: 03-02-1081/2021 od 17.01.2022. godine i realizacije Odluke Vlade Federacije Bosne i Hercegovine, V. broj: 1424/2021 od 20.09.2021. godine.
2. Programom novčanih podrški u poljoprivredi i ruralnom razvoju za 2022. godinu odredit će se mjere i visina sredstava za pojedine modele novčanih podrški.
3. Ovaj zaključak stupa na snagu danom donošenja.

V. broj: 92 /2022
27.01.2022. godine
Sarajevo



BOSNA I HERCEGOVINA
FEDERACIJA BOSNE I HERCEGOVINE
VLADA

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ВЛАДА

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Broj: 03-02-1081/2021
Sarajevo, 17.01.2022. godine


FEDERALNO MINISTARSTVO POLJOPRIVREDE, VODOPRIVREDE I ŠUMARSTVA
gosp. Šemsudin Dedić, ministar

Poštovani,

Tokom konsultacija premijera i zamjenikā premijera Federacije Bosne i Hercegovine, održanih 17.01.2022. godine, prilikom utvrđivanja Prijedloga dnevnog reda 299. sjednice Vlade Federacije Bosne i Hercegovine, zaključeno je da se „Informacija o realizaciji Odluke Vlade Federacije Bosne i Hercegovine V. broj: 1424/2021 od 20.09.2021. godine, sa prijedlogom mjera i Prijedlogom zaključka“ neće razmatrati na sjednici Vlade Federacije Bosne i Hercegovine, obzirom da su predložene aktivnosti realizirane u okviru Prijedloga budžeta Federacije Bosne i Hercegovine za 2022. godinu.

Ujedno Vas informiram da se navedeni materijal trajno povlači sa e-portala Vlade Federacije Bosne i Hercegovine i isti Vam u prilogu vraćam.

S poštovanjem,


SEKRETAR VLADE
mr. sc. Edita Kalajdžić

Prilog:
- Kao u tekstu